

唐宋定稿

抱甕集
山遊集

竹邨荅臨集
押簾詞





抱甕集序

向讀少陵東屯瀼西諸詩愛其賦景親真造語熨切非
得田園之味者不能作如狀稻畦之水則云芊芊炯翠
羽剌々生銀漢寫瀼岸之暮則云春氣晚更生江流靜
猶動模江雨之靜則曰高鳥濕不下居人門未開繪山
雲之薄則云晴飛半嶺霍風亂平洲樹皆其悟由聽觀
不闕懸擬讀者不必遽盡其詩但閱其詩首諸題々下
數序已足以息塵心而希至道是非少陵田園詩之獨
真蓋詩固未有不真於田園者也查君心穀奉白華潔
白之養結園沾水之西臨流植援閉門疊石賦夕烟于



琴幌吟曉日于書牀歲久成編名曰抱甕集氣和而色
淡志逸而神怡得意魚鳥之間忘情埃壒之外雖其中
友用文讌道路往還或多觸緒之吟不盡閒居之作顧
其澄懷專注雅思獨存則於田園獨多非有得于少陵
之真者能若是乎夫吟咏之間以達情性情性之真不
寄于委佩影纓而寄于野絃山酌袁小修云文人之文
高文典冊莊重矜嚴不若瑣言長語無意為文而神情
興會多所標舉斯論也可以例文六可以例詩幽閒之
士翕性輕清結情冷淡隨筆點染非山林語固無以自
見其胷臆也或曰抱甕非寔事漢陰之後誰復守其拙

者曰事不必其相同而有可以相類水西之園逼臨河
渙決渠灌溉宜若易易焉者不知河勢建瓴峻堰危堤
不容一蟻缺必鑿井得泉海潮暗上始得俯仰桔槔以
相挹注取水少而用勞多其于漢陰之拙相去無幾噫
是固忘機者之所樂為而不戢者也乾隆二年春正月
葯林弟符曾

蔗塘未定稿

宛平 查為仁 心穀

抱甕集

起雍正癸卯
如盡乙卯

放廢以後萬事頽落微特人盡一切玩好般利百
不闕慮雖筆床硯匣亦久屏絕暇日偶搜篋衍十
三年中僅存詩四百餘首刪蕪汰穢又去十之七
八六云陋矣敝帚自享不忍棄置姑錄存之憶頻
年息影水西鋤菴蒔竹日與園父畦丁共分灌溉
之勞凡有所作蓋得之抱甕時居多因取以弁諸
首云

自遣

此心冷似隔宵灰那遣懂之日往來未免有情
老索笑不知許事酒盈杯一番春夢曹騰過兩鬢
霜華無賴催已覺諸緣都是幻宵教明鏡惹塵埃

題畫

篆愁君自昔年呼雨過涎痕無處無
笑爾升高不知止
此身甘向壁間枯

蝸牛

春草茸々露漸晞一雙蛺蝶弄春暉
石闌不少飢蛛網

莫戀老叢接翅飛

蛺蝶

哭佟蔗邨

范

當代論通隱如君復幾人
浮榮輕敝屣肥遯託垂綸
詩格陰何敵交情張范親
一朝歌薤露執紼淚沾巾
空谷山房好幽棲二十年
誰教賦鵬鳥長此閱重泉
村傍浣花住樓從艷雪傳
他年扶屐至淒絕月娟娟

寄答王雨楓見懷原韻

記送驪駒花滿津柳橋歸去又經春
離情每逐隨陽雁
芳訊俄傳上水鱗廿載冰霜偕計吏
幾時邱壑結比隣
尋思老影庵中事燈火蒲團一愴神

聞沈麟洲信喜而有作

與爾相違萬餘里傳來消息總迷茫
誰言錦好難為製

須識鋒堅不頓芒薄宦遠憐紫貝驛舊遊苦憶綠蕪墻
明年奏竅歸京雒相見還應醕百觴

秋日招胡象三杜禹門小集

潑眼秋光事、佳况逢靜侶足抒懷淺深錦色菊堆檻
錯落雨聲葉脫堦酒具樽前須摒擋人生分外莫推排
此中幽味知應少一段閒情屬我儕

懷榆堡

大好家居榆堡莊年來生計託農桑一池屋後藕蒼白
幾稜門前菰米香斜日提壺評酒價秋風戴笠上漁航
如何百里成脩阻也似蓴鱸歸夢長

抱

蠟梅

南枝消息早於春斜插銅瓶貯水新我識萬綠皆嚼蠟
一枝窻下任橫陳

檀心磬口各含芳滿樹金鈴簇夕陽料爾根株出江夏
教人小字喚黃香

不寐

乍踈乍密打窻雪忽降忽升搖燭風雪三更爐火冷
并無天籟耳根通

初夏次杜悔堂先生韻

次第春風綠到門一壺真足納乾坤銀荷香裊重簾靜

蘭紙窻明一榻温莫問陶歸同那罷試聽笛咽與箏繁
酒闌記得當年事紅袖烏絲暗斲魂

高雲老人輓詞

幾次傳聞誤今番撒手真雲原無定跡人苦憶清塵已
反光明相全歸清淨身孤鴻飛萬里回首黯傷神
一滴寒泉水源從夢隱傳曾邀清禁名不受世纓牽
廣願超香界高名振法筵諸方爭禮足十行喜俱圓
宿業憐予縛西曹特地來六根離障礙八垢掃塵埃花
影重々現鵲般故々催一編田雜記數年來老人酬倡詩
文及書札並載予花

影庵雜記不忍篋中開

抱

迢遞羊城返浮杯記我過道真明鏡朗詩愛白蓮哦幢
上慙精進龕前悟刹那空餘半偈在誰復示三摩

送湘南上人之天童

杖錫飄然去一繩隨雁羣道林原不世齊己况能文帆
濕甬江雨衣蒸越嶠雲幾時叅覺路栢子地爐焚

附甲辰夏六月將返浙東賦別蓮坡居士

釋成衡湘南

三里一城隔不難晨夕過々君出錦段過我對晏陀
啼鳥立粉堞浴鷺起盤渦君來拍手咲默詠銅斗歌
君才實鮑謝伯仲劉与何終年極採撫字識牛毛多

嗟余荒且陋，好古慙清訛。惟茲無義語，庶幾唯弗阿。
海南有釣艇，去去逐烟波。君宥挂帆過，一水同拋梭。

新構小軒落成即事有作

避人何必入山深，因樹開軒足散襟。覆砌垂楊金縷細，
捎窓稚竹粉痕侵。放懷聊復凭烏几，率意無妨彈素琴。
一雨更饒詩思健，飛來翠羽答清吟。

插槿為籬曲，遮半茆半瓦。野人家謝將，熟客祛塵慮。
抽得閒身管物華，小拓茶寮斜倚石。更開棊閣略栽花，
飯餘每欲拋詩帙。一枕蘧，蝶夢賒。

雨中

竟日潇潇雨，虛廊聽轉佳。暝烟來遠樹，涼氣愜孤懷。
藤蔓漸升屋，蓼花低亞階。但教幽趣得，自可忘形骸。

銀魚歌

物類水族魚，最饒網罟之利。勝山樵海津，自昔號澤國。
食饌鱗鬣供朝，蘆臺二月雨新足。銀魚出浪同秋苗，
連筐壓擔滿交市。白於聚雪光難銷，一飽青錢不費幾。
風味詎止園蔬，驕作羹滑匙差覺。美搗以蜀薑，芼以枳。
伊魴洛鯉不足數，羊酪養性休誇謠。年來何肉六守戒，
唯嗜此物充簞瓢。平生有願不得遂，老去但乞離埃囂。
安得為漁沽水上，瓦盆濁酒兼炊雕。

坐雨

颯々風吹牖濛々雨灑楹庭閒因客少風峭覺寒生暴
漲連平野陰雲接短城東皋農事近願放十分晴

簡胡象三

鶉鳩穀裏連宵雨強欲探春事々違時序驚心寒食近
風光轉眼少年非繞堤楊柳叅差綠出窰梅卷取次稀
安得十千沽美酒与君醉看白鷗飛

招貢木從孫飲

漫愁錦鯉寄書遲好把閒情付玉卮九十日春如掣電
此身何苦蹙雙眉

抱

春日偕宗與亭先生徐芝僊陳樹滋家貢木遊
依綠園分賦

宿霧開平原天宇清且朗晨興愜清遊林塘漾輕舫惠
風盎々吹碧草芊々長聯袂得佳賓幽懷劇蕭爽
長河抱彎環園水含深碧嘉樹藹晴烟高臺俯芳陌中
有桃李花自矜好顏色春風能幾時重来恐狼藉
望遠舒煩憂登樓恣遐眺共指東海東雲日相焜耀麻
姑近可期羨門迹未杳何當控雀去臨風一長嘯
勝地足沿綠欲別又回步即境澹無營得閒轉成趣殘
霞漾水明新月銜林吐還期泛金觥綠陰句同賦

錢橡村編脩請假南歸貽詩錄別次韻送之
一舸潞河下亭皋木落初故人欣小住新句艷秋蕖心
逐離羣雁襟分同隊魚明年春水上莫忘數行書

附乞假旋里舟過津門贈別心穀并索和章

錢陳羣 橡村

片帆南下日正爾畫眉初入澹當秋月詩清出水藻
由來傳八采別後託雙魚好寄春明侶今成博議書
芝仙貽畫一軸皆 國朝名賢合作也凡圖中
山樹泉石花草亭榭禽鳥人物之類人各數筆
署以小款自石谷王氏而下共得三十人張之

抱

素壁儼出一手此亦畫苑中別開生面也旁有
分咏圖中景物七絕六十首

乍認蔡家百衲本旋疑婁氏五侯鯖畫家從此添公案
無縫天衣在素屏

對雪

薄暮忽飛雪虛堂獨自看灑枝微有色積徑漸生寒覓
食飢鳥下迎風落葉殘一杯酬物色僵卧咲袁安

蹋燈詞

搗絲搦竹滿耳驕冉冉月華上碧霄鈿車歷落走流水
門外遊人如蟻子酒酣六復巷陌遊火樹參差樓上頭

兒郎連臂蹋歌唱暖氣浮空香霧漲鬧蛾烘處着眼多
老去情懷喚奈何吟場排日偏稱傑酒戶春來亦豪絕
河冰漸解信安灣好訂拏音新柳間

北郭村舍桃花一樹盛開歸途馬上同象三作
誰搗羯鼓催花發烘出晴霞滿樹來含咲倚風枝旖旎
微酣映日影喪回去年崔護欣重見前度劉郎記舊栽
寄語碧翁勤護惜莫教容易委蒼苔

禹門園中草木半為水荒賦此慰之

杜陵耽小隱卜築傍西郭門臨尹兒灣地可百弓拓叢
木濃繞垣雜荍紛映幕有書暇自披有酒欣自酌逍遙

抱

邁軸閒頗足安畊鑿昨朝雨滂沱淫潦犯籬落老樹半
遭斃含英盡掃穽厨下竈欲沉堂前舟可泊屋漏濕牀
牀掩關同屈蠖相訪刺舟來對我顏色惡一語申君眉
勿哂狂言錯梓澤已邱墟平泉久寂莫矧茲數椽居詎
足損真樂君行騰萬里一室非所託瓦注盡村醪斜陽
叫檐鵲

佛手柑和查浦伯韻

誰從粵國盈筐寄勾出天龍一指禪摩頂雖無心印法
拈荂却有妙香傳剖煎碧乳芳逾烈曲伴黃梅色並妍
本是兜羅綿現相越橙吳橘敢羞肩

曉發淀河

望中新漲潤縱棹渺無涯一水冰奩淨千帆箏柱排雲
陰低髡樹荷氣暗侵懷坐愛儵魚樂凭舷意轉佳

小保定

孤城如斗大凋劫少人家水市魚羹美晴帆柳帶斜遺
風猶擊筑落日忽鳴笳不盡蒼茫思遙天一抹霞

懷履方弟

高軒下餘照碧樹滋宿雨獨對檻外蒼脉々誰與語有
弟遠行役隔歲羈南土別久相思深引領望烟渚

送李仁山出塞

驅車出郭門送子遠行早嚴飈吼樹梢黃沙曠廣道恠
鳥啼空村春意勒枯草子身萬里行予愁萬里抱握手
無一言欲言意顛倒願子勉加餐憂傷令人老

慰熱吟

誰將大冶鎔長空焰飛南朔綿西東驕陽杲々旱太甚
金流石鑠無纖風無纖風良不苦蔽樾陰濃周四堵北
窓一枕傲羲皇歌脚高眠過停午夢破藤床獨揮塵一
甌新茗煎雲乳煎雲乳良不苦君不見九衢車馬紛喧
闐黃塵眯目擁不前蠅營狗苟互爭逐道傍暍死無人
憐吾廬雖小亦不窄幸無白汗如漿厄散髮科頭手一

策為謝門前襪襪客

五雜組

五雜組錦繡裳往復還酬酢觴不得已守故鄉
五雜組羅浮蝶往復還大江楫不得已褰裳涉
五雜組六幅裘往復還一片雲不得已妾隨君
五雜組西蜀錦往復還邯鄲枕不得已且痛飲

積雨

積雨連朝似建瓴重雲漠漠暗當城客來共試中山酒
秋到曾無一日晴陽石虛傳鞭有術漏天相對補難成
隣翁走報禾生耳輾轉愁同蕉葉生

抱

直沽種稻詞八首

連畦接畛水田開盡是 楓宸擘畫來不惜水衡錢億
萬總期鼓腹到春臺

極目平疇方罨成繞田滴々水泉鳴杏老蓂破林鳩喚
齊趁東風叱犢畊

婦饁男畊望歲豐如墉行見奏三冬茅簷尚屋 深宮
慮又 詔江南送老農

雨餘沙磧淨無泥一色秧針綠滿畦閒跨烏犍來柳下
深村忽聽午雞啼

長夏霏々雨似烟不愁旱魃裂畬田農家况傍河干住

吠蛤殼中自在眠

穠稔如雲望不窮泥沾西去葛沾東築場處々多遺穗

長笛圓輦賽社公

西成比戶慶倉箱紫玉炊來滿甑香共話昇平好時節

五風十雨樂穰々

纔看九穗又雙歧斥鹵從今不阻飢聽取年々歌帝

力直沾風景似幽詩

傷僕

富貴踈者合貧賤親者離交情尚如此何況臧獲為伊

予觸量網摧殘顏色低豈無將伯呼掉頭誰為鬪嘉爾

抱

勤餉侍九載志不移欲效負山力竟蹈履席危一朝忽

奄化令我悽肝脾蔚宗傳李善涑水紀王達斯人爾不

愧千載同酸悲

天津城西五里有地一區廣可百畝三面環抱

大河南距孔道半里許其間榆槐檉柳望之蔚

鬱暇侍家大人過以樂其水樹之勝因購為

小園壘石為山疏土為池斧白木以為屋週遭

繚以短垣因地布置不加丹堊有堂有亭有樓

有臺有橋有舟其間姹老媚竹延榮接姿歷春

綿冬頗宜觴咏營築既成以在衛河之西也名

唐詩卷之九
二
曰水西莊并系以詩

夙昔慕高隱幽棲未有期
風雨守故廬常苦塵鞅轍
何意負郭地蕭曠寄一枝
藤陰高覆屋荷氣曲通池
烟中孤禽嘯樹外春帆移
散帙或滿几濁醪六盈卮
永謝車馬喧聊遂岩壑私
于焉樂吾素此外夫何知

綉野籜前後新竹雜抽雨
霽過之見其青翠可掬
為留半日

莎徑轉彎環架此數椽屋
繞屋何所有脩々百竿竹
春風破苔痕勁節迸蒼玉
扶踈亞葯欄葱翠被山麓
竭來微雨餘葉々映眉綠
燕郊地苦寒百卉易傾衄
嘉此不

抱

凋姿森々常在目坐對憺忘歸願就林中宿

桐葉

一株葦葦復萋々綠葉如雲覆屋齊
只恐西風吹易落莫矜穀價剪成珪

趙後山枉過水西莊淹留竟日別後賦寄

檐角芻尼喚羊求一徑過問年驚老大
撫事感蹉跎卓午樹陰直當風池水波
卑棲君莫咲吾已謝鳴珂

席上詠蘋婆果

也如紅豆號相思采蘭雜志佛書蘋婆即華言相思也玉頰微酣似點脂
一種幽香誰領略酒醒吹過枕函時

書懷

巖風吹廣莫羣樹凋清霜廓處感物變中庭獨徬徨男
兒抱遠志蓬矢射四方奈何日刺促如芥處坳堂我欲
控青虬八極紛迴翔振轡崆峒頂息駕華胥鄉道逢飛
黃子並坐白玉牀飢則茹桂食渴則餐天漿咄哉不可
期仰睇雲茫茫

水西莊採菱曲

秋風颯々秋雨涼溪上水添三尺強菱花著子菱葉老
一片青銅半蝕光急呼小艇沿流泊釧影釵痕盡狼藉
採來一霎滿筠籠携向尊前堪供客堆棹纍々赤玲瓏

乾

大嚼何愁百不空脆憐出水秋菰嫩香愛開泥春藕同
昔年曾記松陵渡兩槳歌聲日斜暮翠絲擁棹澀不行
夢想朝々幾延竚自從遺種寄芳函溪上年々碧影涵
漫說直沽風物異有人曾喚小江南

遣愁

作意驅愁去愁偏日々來早知愁有約悔却遣愁回

大悲院題壁

秋氣先林薄郊行得自娛官河斜抱寺野舍近通衢粥
鼓迎人出畦蔬當砌敷到來塵慮滌苗客有僧雖
睽以東林社來尋惠遠師坐深涼意滿吟苦樹陰移白

鳥衝殘照青蘆響暮颺一層樓上望浩蕩自申眉

過村舍從野人飲

望裏秋原爽門臨碌碡場深林殘照入曲徑晚香村
酒沽清醪園蔬摘矮黃留連如意舞歸路月迷茫

數帆臺晚望

人語平臺晚船行逆水遲垂楊交路暗斜日隔邨移望
遠目何極凭高願獨支袁宏阿誰是蓬底獨吟詩

送履方之太平別駕任

憐予成紉落喜爾獨崢嶸勿謂閒曹冷須酬一命榮當
官勤撫字為政重廉平好慰高堂望因風數寄報

抱

離堂卮酒罷車子走班班別緒江鴻外行程驛樹間張
帆上采石高詠繼青山謝朓風流在千秋尚可攀

代贈

倒控駝鉤半拓窓誰家小閣儼如艘惜惜柳暗人難見
聽按梁州第一腔

初秋過攬翠軒同象三賦

商飈吹送暑全收爽氣當軒豁兩眸歷架藤陰圍似幄
跨梁澗水碧於油長教竹下開三徑也勝車前鳴八駟
無是無非吾計得任他誇拜碧琳侯

附

同作

胡捷象三

秋光畫出蔚藍天一水淪連似輞川昨夜池塘吹雨
過蓼花紅到小橋邊

松風過耳沸茶鐺午枕初回宦夢清忽到山僧叅半
偈翠微深處話無生

涼趁濃陰暑氣踈傾壺愛就水亭虛斜陽半醉思鱸
膾恰有小船來賣魚

偶成

經心避俗終難避刻意藏真未許藏且向閒中尋一事
小章新泐看雲忙

閉戶

抱

閉戶何為者朝朝書窟眠未能行萬里聊以送餘年
上輟畊錄沐頭却掃編自今商述作握槩效前賢
不畏餘寒峭中庭步屨宜草痕青又見杏牖破還遲造
化本無意榮枯各有時靜觀推物理吾道不磷緇

積嬾

積嬾久成癖無營自晏如夢回春樹外花落午晴初
差免隨蓬轉何勞感瑟居敲門無俗客坐愛草堂虛

附和韻

胡捷

達士耽閒寂冲襟只澹如蜂慵卷墮後宦避茗煎初
勝地欣同調何時得僦居祇應携秀句吟伴竹窻虛

海光寺訪岱瞻上人

嵯峨佛閣城南湧策馬重過問懶殘入寺鳥聲當檻寂
登樓野色接天寬湯空老落晴疑雨匝地松陰夏亦寒
聽演三車煩毒解不勞更熟白旃檀

西沽即目

一雨秋光淨郊原物色饒離離瓜卧龍纂纂棗垂條幽
意偶然得微颺何處招籠鞭舒倦眼馬首失炎燒

小憩枕溪廊

曲曲迴廊款款行竹爐茶白伴孤清心從境外尋禪悅
人在閒中淡世情百轉鶯聲春欲盡一亭老影日初晴

抱

臨流無語冥冥坐靜聽跳魚潑刺鳴

題馬雲亭表兄十琴書屋圖

與君托中表氣誼逾同懷義馭不停轡別久形跡乖君
材寔英特談咲律呂諧一麾守專城品列三事階公餘
染翰藻腕底回春黃蛾眉慣謠咏白晝曠風霾一官棄
敝屣回車卧荆柴十琴足自怡取以名高齋遙山光鬻
鬻時鳥鳴啾啾懸琴靜不張趣與陶令偕

有母身康強顏色頗腴澤有弟綰通符鳴絃理繁劇潘
輿就祿養光彩生翬翟陟屺望白雲晨裝不遑夕濯纓
溯汶泗倚馬看鳧嶧直沽舊游地君距無幾驛鼓予聆

足音庶幾慰睽隔豈無一樽酒藉用話曩昔豈無數卷
書假以供紬繹題詩報郵筒速理轅端軌

種蕉

西堂涼意多向夕滿雨為愛入秋聽移種芭蕉樹

除夕

浪擲覆九黠自憐且從塵界強周旋虛名已省多生業
公案難拋未了緣好約梅老融性字不將濁酒溺心田
一年又盡君知否獨坐蒲團耿不眠

履方自真州郵至春笋味極脆美食餘賦以寄
之并督繼至

抱

杭州鮮筍賤於土買不論錢挑販豎我昔儉屋住西湖
頓盤飧供咬咀別來以味三十年玉版徒參空裏禪
鹽晞蜜漬有時致下箸終流逢麴涎侵晨食指無端動
忽報郊君書遞送載得盈筐繭栗來泥封箬裹開喧哄
亟付饕人具午炊照盤雪色白差饒扱急噉一快意
遠勝屠門大嚼時江南此族富庖宰尤物真堪醢鮭菜
咲我胸能儲渭川更煩剗取連船載

題汪度汪乘槎圖

滄海茫茫寄以身樓船一粟渺無垠秋風莫悵銀潢遠
本是支機石上人

房山道中

石經洞口白雲封百里松陰翠黛濃馬上青山看不厭
天風吹落一敲鐘

望戒臺

上方清磬落說戒有崇臺山脊飛樓殿林端紺殿開九
松鳴夕籟三洞闕枯苔歷險吾無懼終須絕頂來

丁家窪

青々不斷柳遮門々外流泉百道奔行過石橋疑路盡
酒帘斜出又逢邨

花朝偕張周舫遊水西莊

抱

豆子甌邊凍已消風光難得是春朝酒人發興偶然聚
詩老能來不待招晚飭香芹烹鴨脚小池新水長魚苗
賣錫轂裏春無賴不獨銷魂為柳條

春分後二日余犀若丁芑七施濟清汲亭兄弟
枉過水西莊次貢木從孫韻

芊綿芳草碧如烟水檻風亭路接連眼底春光過太半
停杯忽々感華年

寄懷仁山

宜亭東畔宋園西仁山七載離思夢欲迷擁鼻朝來吟
爾句空林愁聽夜烏啼

澹宜書屋後軒黏壁多故人詩句撫今懷昔感
而有作

背手看來行草蕪墨痕多是故人黏跡如鴻爪飛無定
愁比蠶絲抽又添鶯老花殘春寂寂香消酒冷夜厭厭
回思昔日題襟處觸忤蝸涎上斷縑

附
同作

查奕楠 貢木

數椽老屋幾年留新拓軒窗物色幽卅載珠璣多在
目兩人霜雪又盈頭雲山有恨素心少日月無情逝
水流一領青衫重檢點淚霑酒漬共成愁

夢至舊遊地得貪將葉々卷々地趁取風々雨

抱

雨天二句醒後續成

海國相思紅豆筵歌喉一串似珠圓貪將葉々卷々地
趁取風々雨々天高館人歸餘積蘚空堦日落起寒烟
年來頗識閒中味祇擬長齋繡佛前

暮春寄懷陳執夫觀察潘元亮編脩

年華轉燭去堂々舊事經心歌慨慷水際老枝香寂歷
檐前柳色綠分張陳遵別後誰驚坐潘緯吟成合寄將
未得開樽期二妙栗苗穀裡獨巡廊

獨流舟中

擘岫風多損畫眠客衣猶未脫吳綿朝來似暖還寒處

正是田家打麥天

青縣

鼙鼓成鼓促揚舠蓬底吟成獨自聽一色好風剛百里
日斜吹到峭帆亭

滄州懷古

五壘城邊雨脚斜樹頭鳩婦喚停車河通漳滏來千里
地控青齊抱萬家臺上雲生疑海市道傍草長想蘆芽
底須俯仰傷千古聞說麻姑酒可賒


秋夜病中述懷

巷尾迢迢報柝聲虛堂如水斷人行雲移一朵月吞吐

抱

竹嘯幾枝風送迎不向枚生求七發試從麴壘覓三清
調糜煮藥經旬卧白髮蕭疎又幾莖

抱



程